

## **STATUTI**

### **I**

### **SHOQËRISË**

**"TONI PIZZAIOLO" SHPK**

**TIRANË/SHQIPËRI**

**Tiranë, më 20.11.2023**

**STATUTI**  
**I SHOQËRISË ME PËRGJEGJËSI TË KUFIZUAR**  
**“TONI PIZZAIOLO” SHPK**

**KAPITULLI I**  
**EMËRTIMI, FORMA, OBJEKTI I VEPRIMTARISË, SELIA, KOHËZGJATJA**

**NENI 1**  
**EMËRTIMI DHE FORMA E SHOQËRISË**

- Shoqëria “Toni Pizzaiolo” SHPK, është e organizuar si shoqëri me përgjegjësi të kufizuar dhe përbëhet nga Ortaku i Vetëm **Znj. Elidjona Bogdani**, shtetase shqiptare, lindur më 29.10.1976, në Kolonje, banues në Tiranë, mbajtës i leternjoftimit me Nr. Personal: H66029033I, madhore dhe me zotësi të plotë juridike për të vepruar, në cilësinë e ortakut zotëruesh të 100 % (njëqind përqind) të kapitalit themeltar të shoqërisë.

**NENI 2**  
**BAZA LIGJORE**

- 2.1. Shoqëria harton këtë Statut në përputhje me Ligjin Nr. 9901, datë 14.04.2008 “Për Tregtarët dhe Shoqëritë Tregtare” i ndryshuar dhe Ligjit Nr. 9723, datë 03.05.2007 “Për Qendrën Kombëtare të Regjistrimit”, i ndryshuar, si dhe të gjitha aktet ligjore dhe nënligjore që rregullojnë pozitën juridike të veprimtarisë private.

**NENI 3**  
**EMËRTIMI I SHOQËRISË**

- 3.1. Emërtimi i shoqërisë me përgjegjësi të kufizuar është **“Toni Pizzaiolo” SHPK**, më poshtë referuar si “Shoqëria”.

**NENI 4**  
**SELIA**

- 4.1. Selia e shoqërisë është në adresën: Rruga “**Shyqyri Ishmi**” Pas. 7/73 , Njësia Administrative Nr. 2, Tiranë, Shqipëri.



- 4.1. Shoqëria mund të hapë filiale, degë përfaqësie ose agjensi në varësi të saj në të gjithë territorin e Republikës së Shqipërisë në cdo kohë që çmohet e arsyeshme prej saj dhe me aprovimin e organeve kompetente.

#### **NENI 5 OBJEKTI**

- 5.1. Objekti i veprimtarisë së kësaj shoqërie është si më poshtë:

Sherbime ne fushen e bareve, restoranteve, picericive, prodhimeve te brumit dhe prodhimeve te tjera me karakter ushqimor si dhe kryerjen e sherbimeve catering ( shperndarje) lidhur me prodhimet e mesiperme.

Për të realizuar objektin e veprimtrisë së saj, shoqëria mund të kryejë çdo aktivitet tjeter të nevojshëm të lidhur, instrumental, të dobishëm, të përafërt, elementar, etj në funksion dhe në nevojë të veprimtarisë së saj.

- 5.2. Objekti i veprimtarisë së shoqërisë mund të ndryshojë ose të shtohet me vendim të Ortakut të Vetëm.

#### **NENI 6 KOHËZGJATJA**

- 6.1. Kohëzgjatja e shoqërisë është me afat të pacaktuar. Ajo mund të përfundojë veprimtarinë në rastet e prishjes, falimentimit ose të likuidimit të shoqërisë, si dhe me vendim të Ortakut të Vetëm të shoqërisë, forma këto të parashikuara në legjislacionin tregtar në fuqi.

#### **KAPITULLI II KAPITALI THEMELTAR DHE KUOTAT**

#### **NENI 7 KAPITALI THEMELTAR**

- 7.1. Kapitali themeltar i shoqërisë është 10.000 (Dhjete mijë) Lekë, tërësisht i nënshkruar dhe i shlyer nga Ortaku i Vetëm Shoqërisë, Znj. **Elidjona Bogdani**, shtetase shqiptare, lindur më 29.10.1976, në Kolonje, banues në Tiranë, mbajtës i leternjoftimit me Nr. Personal: **H66029033I**, madhore dhe me zotësi të plotë juridike për të vepruar, në cilësinë e ortakut zotërues të 100 % (njëqind përqind) të kapitalit themeltar të shoqërisë.



7.2. Kapitali themeltar i shoqërisë përbëhet nga 1 (një) kuotë.

**NENI 8**  
**TRANSFERIMI I PJESËVE TË KAPITALIT THEMELTAR**

8.1. Pjesët e kapitalit themeltar mund të transferohen vetëm me akt notarial, nëpërmjet:

- a) Kontributit në kapitalin e shoqërisë;
- b) Shitblerjes;
- c) Trashëgimisë;
- d) Dhurimit;
- e) Çdo mënyre tjeter të parashikuar me ligj.

**KAPITULLI III**  
**ORGANET DREJTUESE TË SHOQËRISË DHE KOMPETENCAT E TYRE**

**NENI 9**  
**ASAMBLEJA E PËRGJITHSHME**

9.1. Organet drejtuese të shoqërisë janë:

- 1) Asambleja e Përgjithshme,
- 2) Administratori.

9.2. Asambleja e Përgjithshme është organi më i lartë drejtues i shoqërisë. Në rastet kur shoqëria përbëhet nga një Ortak i Vetëm, të gjitha kompetencat e Asamblesë së Përgjithshme ushtrohen nga Ortaku i Vetëm.

9.3. Ortaku i Vetëm i Shoqërisë ka këto kompetenca:

- Përcaktimin e politikave tregtare të Shoqërisë;
- Ndryshimet në Statut;
- Rritjen ose zvogëlimin e kapitalit themeltar të shoqërisë;
- Shitjen, transferimin dhe anullimin e kuotave të kapitalit themeltar;
- Emërimin dhe shkarkimin e administratorëve;
- Emërmin dhe shkarkimin e drejtueseve teknik;
- Emërimin dhe shkarkimin e Ekspertit kontabël dhe të likuidatorëve si dhe caktimin e shpërbllimit të tyre;



- Mbikqyrjen e zbatimit të politikave tregtare nga administratorët, duke përfshirë edhe përgatitjen e pasqyrave financiare dhe të raporteve të ecurisë së veprimtarisë;
  - Miratimin e pasqyrave financiare dhe të raporteve të ecurisë së veprimtarisë;
  - Riorganizimin dhe prishjen e shoqërisë;
  - Miratimin e rregullave procedurale të mbledhjeve të asamblesë;
- 9.4. Të gjitha vendimet e Ortakut të Vetëm regjistrohen në regjistrin e vendimeve dhe shënimet përkatëse nuk mund të ndryshohen dhe/ose të fshihen. Në veçanti duhet të regjistrohen vendimet për:

- a) miratimin e bilanceve vjetore dhe të raporteve informuese për mbarëvajtjen e veprimtarisë;
- b) shpërndarjen e fitimeve vjetore dhe mbulimin e humbjeve;
- c) vendimet që kanë të bëjnë me riorganizimin e shoqërisë dhe shkrirjen e saj.

## **NENI 10** **THIRRJA DHE ZHVILLIMI I MBLEDHJEVE**

- 10.1. Asambleja e Përgjithshme mund të thirret në çdo kohë nga Administratori ose një apo disa ortakë që përfaqësojnë të paktën 5% (pesë përqind) të pjesëve të kapitalit themeltar. Mbledhja e zakonshme e Asamblesë së Përgjithshme thirret të paktën 1(një) herë në vit, brenda 6 (gjashtë) muajve nga mbyllja e vitit finanziar për miratimin e bilancit, të raportit të Administratorit, ekspertit kontabël si dhe inventarit.
- 10.2. Mbledhjet zhvillohen në selinë e shoqërisë ose në çdo vend tjeter të njoftuar nga Administratori.
- 10.3. Njoftimi kryhet me shkrim ose me postë elektronike jo më vonë se 7 (shtatë) ditë përpëra datës së zhvillimit të mbledhjes dhe përmban datën, vedin, orën dhe rendin e ditës së mbledhjes.

## **NENI 11** **MARRJA E VENDIMEVE**

- 11.1. Asambleja e Përgjithshme, në rastin e marrjes së vendimeve që kërkojnë një shumicë të zakonshme, mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30% (tridhjetë përqind) të kuotave.
- 11.2. Vendimet e Asamblesë, për të cilat kërkohet një shumicë e kualifikuar, sipas përcaktiveve ligjore dhe statutore, janë të vlefshme nëse janë të pranishëm në



mbledhje ortakët që zotërojnë më shumë se 50% (pesëdhjetë përqind) të numrit total të votave.

- 11.3. Asambleja e Përgjithshme vendos me  $\frac{3}{4}$  e votave të ortakëve pjesëmarrës për ndryshimin e statutit, zmadhimin ose zvogëlimin e kapitalit, shpërndarjes së fitimeve, riorganizimin dhe prishjen e shoqërisë.
- 11.4. Nëse Asambleja nuk mund të mblidhet për shkak të mungesës së kuorumi të sipërcituar, Asambleja do të mblidhet përsëri jo më vonë se 30 ditë, me të njëtin rend dite.
- 11.5. Të gjitha vendimet e Asamblesë së Përgjithshme duhet të registrohen në procesverbal. Administratori përgjigjet për ruajtjen e kopjeve të procesverbaleve të mbledhjeve të Asamblesë së Përgjithshme. Prosesverbali nënshkruhet nga kryetari dhe mbajtësi i procesverbalarit.

## **NENI 12 PËRFAQËSIMI NË ASAMBLE**

- 12.1. Çdo ortak mund të marrë pjesë personalisht në asamble ose mund të përfaqësohet me autorizim nga një ortak tjetër apo nga një i tretë i zgjedhur prej tij.
- 12.2. Administratori i Shoqërisë nuk mund të përfaqësojë ortakët në Asamblenë e Përgjithshme të Ortakëve.

## **NENI 13 ADMINISTRATORI, TË DREJTAT DHE DETYRIMET E TIJ**

- 13.1. Administratori është organi ekzekutiv i shoqërisë.
- 13.2. Shoqëria do të administrohet nga **Z. Agron Bogdani**, shtetas shqiptar, lindur më 05.03.1970, në Tiranë, banues në Tiranë, mbajtës i leternjoftimit me Nr. Personal: **H00305075P**, madhor, me zotësi të plotë juridike për të vepruar.
- 13.3. Administratori ka të drejtë e detyrohet:
  - Të kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga Asambleja e Përgjithshme;
  - Të përfaqësojë shoqërinë tregtare në marrëdhëni me të tretët personalisht ose duke caktuar zëvendësues;
  - Të kujdeset për mbajtjen e saktë dhe të rregullt të dokumenteve dhe librave kontabël të shoqërisë;



- Të përgatisë dhe të nënshkruajë bilancin vjetor, bilancin e konsoliduar dhe raportin e ecurisë së veprimtarisë;
- Të krijojë një sistem paralajmërimi në kohën e duhur për rrethanat që kërcënojnë mbarëvajtjen e veprimtarisë dhe ekzistencën e shoqërisë;
- Të kryejë regjistrimet dhe të dërgojë të dhënat e detyrueshme të shoqërisë, sipas parashikimeve të ligjit “Për Qendrën Kombëtare të Regjistrimit”;
- Të raportojë para Asamblesë së Përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë.

13.4. Administratori emërohet për një periudhë 1 (Një) vjeçare duke filluar nga data 20.11.2023 deri më datë 19.11.2024, me të drejtë ripërtëritjeje.

## **KAPITULLI IV VITI FINANCIAR, BILANCI DHE FITIMET**

### **NENI 14 VITI FINANCIAR**

- 14.1. Viti finanziar i shoqërisë përputhet me vitin kalendarik, duke filluar më 1 Janar dhe mbaron më 31 Dhjetor.
- 14.2. Si përjashtim, viti i parë i veprimtarisë së shoqërisë do të fillojë nga dita e regjistrimit të shoqërisë pranë Qendrës Kombëtare të Biznesit dhe përfundon më 31 Dhjetor 2023.
- 14.3. Shoqëria përgjigjet për kontributin fiskal, afatet e derdhjes së tij, sigurimet shoqërore, etj. Ajo ka të drejtë të çelë llogari likuiduese pranë bankave dhe të kryejë veprime likuiduese me to, brenda dhe jashtë vendit.
- 14.4. Llogaritë vjetore, inventarët, raportet mbi operacionet e vitit finanziar miratohen nga Asambleja e Ortakëve të shoqërisë.
- 14.5. Miratimi i dokumenteve që lidhen me vitin finanziar duhet të bëhet brenda 6 (gjashtë) muajve që nga fundi i vitit finanziar.

### **NENI 15 BILANCI. MBAJTJA E KONTABILITETIT**

- 15.1. Bilanci vjetor i shoqërisë duhet të hartohet për t'iu paraqitur organeve tatimore deri në fund të muajit Mars të vitit pasardhës.



- 15.2. Kontabiliteti mbahet në gjuhën dhe në monedhën shqiptare. Shoqëria mund të ketë edhe llogari të veçanta në valutë të cilat do të konvertohen çdo muaj në monedhën shqiptare.
- 15.3. Pas shlyerjes së detyrimeve fiskale ndaj shtetit, fitimi neto mund të përdoret për zgjerimin e aktivitetit, për rritjen e kapitalit të shoqërisë ose i shpërndahet ortakëve sipas kuotave të zotëruara.

#### **NENI 16** **FITIMET**

- 16.1. Ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë, në raport me kuotat që ata zotërojnë.
- 16.2. Të ardhurat që do të rezultojnë deri në fund të mbylljes së çdo ushtrimori, mund të ndahen ndërmjet ortakëve në raport me pjesët që ata zotërojnë në kapitalin e shoqërisë, vetëm nëse:
  - Aktivet e shoqërisë mbulojnë tërësisht detyrimet e saj;
  - Shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

### **KAPITULLI V** **PRISHJA DHE LIKUIDIMI I SHOQËRISË. ZGJIDHJA E MOSMARRËVESHJEVE**

#### **NENI 17** **PRISHJA E SHOQËRISË**

- 17.1. Shoqëria prishet:
  - në përfundim të afatit të parashikuar nga Statuti;
  - me vendim të Asamblesë së Përgjithshme;
  - me hapjen e procedurave të falimentimit;
  - me vendim të gjykatës.
- 17.2. Administratori do të regjistrojë vendimin për prishjen e shoqërisë, pranë Qendrës Kombëtare të Regjistrimit, në përputhje me nenin 43 të ligjit nr. 9723, datë 03.05.2007 "Për Qendrën Tregtare të Regjistrimit", i ndryshuar më datë 05.07.2017. Në rast se prishja e shoqërisë bëhet me vendim gjykate, gjykata ia njofton vendimin Qendrës Kombëtare të Biznesit për regjistrim.

#### **NENI 18** **LIKUIDIMI I SHOQËRISË**



- 18.1. Në rast prishjeje shoqëria duhet të likuidohet.
- 18.2. Për të administruar këtë procedurë, Asambleja e Ortakëve emëron një ose më shumë likuidatorë, të cilët paraqesin raporte përfundimtare mbi gjendjen e aktivit dhe pasivit të shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 18.3. Me përfundimin e procedurës së likuidimit, Asambleja vendos mbi bilancin finansiar përfundimtar, mbi punën e kryer nga likuiduesit dhe mbi përfundimin e procesit të likuidimit.
- 18.4. Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit Ortakëve të shoqërisë, në proporcion me kuotat e kapitalit të zotëruara prej tyre.
- 18.5. Likuidatori/ët njoftojnë Qendrën Kombëtare të Regjistrimit për përfundimin e procesit të likuidimit duke kërkuar çregjistrimin e shoqërisë në përputhje me parashikimet e ligjit "Për Qendrën Kombëtare të Regjistrimit".

#### **NENI 19 ZGJIDHJA E MOSMARRËVESHEVE**

- 19.1. Të gjitha mosmarrëveshjet që mund të lindin në lidhje me interpretimin dhe/ose zbatimin e këtij Statuti, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.
- 19.2. Në rast se nuk arrihet në një zgjidhje të mosmarrëveshjeve me mirëkuptim, ato do t'i drejtohen Gjykatës së Rrethit Gjyqësor, Tiranë.

#### **KAPITULLI VI DISPOZITA PËRFUNDIMTARE**

##### **NENI 20**

- 20.1. Ky statut është hartuar në përputhje me:
  - i) Ligjin Nr.9901, datë 14.04.2008 "Për Tregtarët dhe Shoqëritë Tregtare"(i ndryshuar);
  - ii) Ligjin Nr. 9723, datë 03/05/2007 "Për Qendrën Kombëtare të Regjistrimit" (i ndryshuar);



- 20.2. Për çështje që nuk janë shprehur plotësisht në këtë Statut, shoqëria i referohet Ligjit Nr. 9901, datë 14.04.2008 "Për Tregtarët dhe Shoqëritë Tregtare", i ndryshuar.
- 20.3. Ky Statut, përbëhet nga 20 nene dhe u redaktua në 3 (tre) kopje identike në gjuhën shqipe, duke patur të gjitha fuqi të njëjtë ligjore.

#### **ORTAKU I VETËM I SHOQËRISË**

**ELIDJONA BOGDANI**

